

Grindavíkurhöfn
Einar Njálsson, bæjarstjóri
Víkurbraut 62
240 Grindavík

2000100006
2300; 9310

Reykjavík, 2. nóvember 2000
/--

Efni: Grjótnám í Eldvarpahrauni eldra og Þórðarfellshrauni fyrir brimvarnargarða við innsiglinguna í Grindavíkurhöfn. Ákvörðun um tillögu að matsáætlun.

Í samræmi við 8. gr. laga um mat á umhverfisáhrifum er hér kynnt niðurstaða Skipulagsstofnunar um tillögu Grindavíkurhafnar að matsáætlun um grjótnám í Eldvarpahrauni eldra og Þórðarfellshrauni fyrir brimvarnargarða við innsiglinguna í Grindavíkurhöfn.

Skipulagsstofnun barst með bréfi Grindavíkurhafnar dags. 2. október 2000 tillaga framkvæmdaraðila að matsáætlun:

Grindavíkurhöfn, Stapi ehf. - Jarðfræðistofa og Siglingastofnun Íslands:
Grjótnám í Eldvarpahrauni eldra og Þórðarfellshrauni fyrir
brimvarnargarða við innsiglinguna í Grindavíkurhöfn. Tillaga að
matsáætlun. 1. október 2000.

Skipulagsstofnun leitaði umsagna um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Grindavíkurbæ, Náttúruvernd ríkisins og Heilbrigðiseftirliti Suðurnesja. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bárust umsagnir og athugasemdir frá eftirtöldum aðilum: Grindavíkurbæ með bréfi dags. 19. október 2000, Náttúruvernd ríkisins með bréfi dags. 17. október 2000 og Heilbrigðiseftirliti Suðurnesja með bréfi dags. 16. október 2000. Bárust einnig frekari upplýsingar frá framkvæmdaraðila í kjölfar umsagna með bréfi dags. 24. október og 1. nóvember 2000.

Í samræmi við 8. gr. laga um mat á umhverfisáhrifum hefur Skipulagsstofnun

farið yfir framlagða tillögu framkvæmdaraðila að matsáætlun ásamt þeim umsögnum sem borist hafa stofnuninni. Skipulagsstofnun fellst á tillögu framkvæmdaraðila að matsáætlun með eftirfarandi athugasemdum.

Framkvæmd og framkvæmdasvæði

Í tillögu að matsáætlun framkvæmdaraðila kemur fram að efnisþörf í nýja brimvarnargarða við innsiglinguna í Grindavíkurböfn er áætluð samtals um 180.000 m³. Fyrirhugað er að taka efnið annað hvort úr námu í Eldvarpahrauni eldra (svæði 5) eða úr námu í Þórðarfellshrauni (svæði 6).

Náma í Eldvarpahrauni eldra - svæði 5

Í námunni í Eldvarpahrauni eldra hafa verið unnir 30.000 m³ af föstu bergi á 5.000 m² svæði sunnan Nesvegjar. Fyrirhugað er að opna nýja námu norðan Nesvegjar og vinna þar allt efni til byggingar brimvarnargarðanna þ.e. 180.000 m³ af lausu efni á 30.000 - 50.000 m² svæði. Fram kemur að umframvinnsla af lausu efni gæti orðið 70.000 - 110.000 m³. Fyrirhugað efnistaka er því allt að 290.000 m³ af lausu efni. Í frekari upplýsingum framkvæmdaraðila kemur fram að á fyrirhuguðu efnistökusvæði í Eldvarpahrauni eldra verði unnir um 200.000 m³ af föstu bergi.

Náma í Þórðarfellshrauni - svæði 6

Fram kemur að í námunni í Þórðarfellshrauni þurfi að vinna um 370.000 m³ af lausu efni til að fá þá 180.000 m³ sem þurfi til byggingar brimvarnargarðanna. Umframvinnsla af lausu efni gæti því orðið allt að 190.000 m³. Í frekari upplýsingum framkvæmdaraðila kemur fram að áætlað er að vinna þurfi um 250.000 m³ af föstu bergi á fyrirhuguðu efnistökusvæði í Þórðarfellshrauni, jafnframt kemur fram að allt að 100.000 m² hafi þegar verið raskað á svæðinu.

Í umsögn Náttúruverndar ríkisins kemur fram að greina verði frá því hvernig fyrirhugað sé að setja fram gögn og niðurstöður rannsókna sem og áætlun um efnistöku og frágang. Náttúruvernd ríkisins og Heilbrigðiseftirlit Suðurnesja benda á að í matsskýrslu þurfi að gera grein fyrir hvernig staðið verði að efnistöku með það fyrir augum að draga úr sjónrænum áhrifum og slyshættu. Einnig telur Heilbrigðiseftirlit Suðurnesja efnistöku í Eldvarpahrauni eldra heppilegri en efnistöku í Þórðarfellshrauni vegna nálægðar þess síðarnefnda við vatnsverndarsvæði.

Í frekari upplýsingum framkvæmdaraðila kemur fram að í matsskýrslu verði lögð fram áætlun um efnistöku og frágang efnistökusvæða sbr. 48. og 49. gr. laga nr. 44/1999 um náttúruvernd. Jafnframt verði gerð grein fyrir áhrifum efnistökkunnar á gróður, dýralíf og landnotkun. Gerð verði sérstök grein fyrir þeim landslagsgerðum sem njóta eiga verndar samkvæmt 37. gr. ofangreindra laga um náttúruvernd. Enn fremur verði gerð grein fyrir hugsanlegum aðgerðum til að fella námusvæði sem best að umhverfinu og aðgerðum til að draga úr slyshættu. Fram

kemur að fjallað verði um vatnsverndarsvæði og val á námusvæði m.t.t. þess í matsskýrslu. Skipulagsstofnun leggur áherslu á að ofangreindar upplýsingar komi fram í matsskýrslu.

Efnisflutningar

Í tillögu að matsáætlun kemur fram að efnisflutningar muni fara fram eftir Nesvegi og þaðan eftir slóða meðfram ströndinni norðan við Litlubót að byggingarstað vestari brimvarnargarðsins. Vegslóðinn verði endurbyggður og að hluta til gerður nýr vegur sem er á eða við svæði á náttúruminjaskrá. Samkvæmt t.l. 10.b. í 2. viðauka laga nr. 106/2000 um mat á umhverfisáhrifum eru allir nýir vegir utan þéttbýlis á svæðum sem eru á náttúruminjaskrá tilkynningaskyldir samkvæmt 6. gr. laganna. Samkvæmt frekari upplýsingum framkvæmdaraðila verður í matsskýrslu gerð grein fyrir vegstæði um svæðið vestan Grindavíkur sem er á náttúruminjaskrá. Í ljósi þess að gerð verður grein fyrir umhverfisáhrifum lagningar vega í tengslum við efnistöku í matsskýrslu telur Skipulagsstofnun ekki ástæðu til málsmeðferðar samkvæmt 6. gr. laganna.

Skipulagsstofnun telur að í matsáætlun og matsskýrslu þurfi að gera grein fyrir flutningsleiðum á framkvæmdatíma ásamt endurbyggingu vegslóða að byggingarstöðum brimvarnargarðanna og lagersvæði. Einnig telur stofnunin æskilegt að greint verði frá áhrifum umferðar m.a. hávaða og ónæði af hennar völdum vegna efnisflutninga í nágrenni íbúðarsvæða.

Menningarminjar

Í tillögu að matsáætlun kemur fram að leitað verði álits fornleifafræðings og samráð haft við Þjóðminjasafn Íslands vegna hugsanlegra fornminja á fyrirhuguðum námusvæðum.

Skipulagsstofnun telur að í matsáætlun og matsskýrslu þurfi einnig að greina frá hugsanlegum áhrifum endurbyggðra vegslóða og lagersvæða á fornminjar.

Skipulag og leyfi

Í matsáætlun og matsskýrslu þurfa að koma fram upplýsingar um hvaða leyfum fyrirhuguð framkvæmd og starfssemi sem henni fylgir kann að vera háð.

Efnistaka, flutningsleiðir og lagersvæði

Sveitarstjórn þarf að óska meðmæla Skipulagsstofnunar skv. 3. t.l. bráðabirgðaákvæða skipulags- og byggingarlaga vegna framkvæmdaleyfis fyrir námuvinnslunni. Skipulagsstofnun telur að í matsáætlun og matsskýrslu þurfi að gera grein fyrir fyrirhuguðum vegabótum og lagersvæði með tilliti til nauðsynlegra leyfisveitinga.

Nýir brimvarnargarðar við Grindavík

Skipulagsstofnun bendir á að bygging brimvarnargarðanna er ekki matsskyld, þarf

framkvæmdaleyfi fyrir henni og framkvæmdin þarf að vera í samræmi við aðal- og deiliskipulag.

Hólmfríður Sigurðardóttir

Auður Andrésdóttir

Fylgiskjöl:

Umsagnir Grindavíkurbæjar dags. 19. október 2000, Náttúruverndar ríkisins dags. 17. október 2000 og Heilbrigðiseftirlits Suðurnesja dags. 16. október 2000

Afrit :

Stapi ehf, Siglingastofnun, Grindavíkurbær, Náttúruvernd ríkisins, Heilbrigðiseftirlit Suðurnesja